

Na osnovu članova 63., 64., 68. i 365. Zakona o privrednim društvima FBiH (Službene novine Federacije BiH broj 23/99, 45/00, 2/02, 6/02, 29/03, 68/05, 91/07, 84/08, 88/08, 07/09 i 63/10), člana 40. Zakona o registraciji poslovnih subjekata (Službene novine Federacije BiH broj 27/05, 68/05 i 43/09), a u skladu sa članom 30. Statuta, Nadzorni odbor Raiffeisen BROKERS d.o.o. Sarajevo je, na sastanku održanom 08.02.2011. godine, donio, te javno objavio:

**ODLUKU O NAMJERAVANOJ REORGANIZACIJI – PRIPAJANJU
DRUŠTVA RAIFFEISEN BROKERS D.O.O. SARAJEVO DRUŠTVU RAIFFEISEN BANK DD BOSNA I
HERCEGOVINA**

Član 1.

Raiffeisen Bank dd Bosna i Hercegovina, kao jedini osnivač i član društva Raiffeisen BROKERS d.o.o. Sarajevo, namjerava izvršiti reorganizaciju društva Raiffeisen BROKERS d.o.o. Sarajevo, sa sjedištem u Sarajevu, Zmaja od Bosne bb, MBS 1-24098, njegovim pripajanjem društvu osnivaču Raiffeisen Bank dd Bosna i Hercegovina, sa sjedištem u Sarajevu, Zmaja od Bosne bb, MBS 65-02-0005-10 (stari broj 1-11629), (u daljem tekstu zajedno: **društva učesnici**).

Član 2.

Društvo Raiffeisen BROKERS d.o.o. Sarajevo će se pripojiti društvu sljedniku Raiffeisen Bank dd Bosna i Hercegovina prijenosom cjelokupne svoje imovine, prava i obaveza na društvo sljednika bez provođenja postupka likvidacije, a društvo sljednik će preuzeti imovinu, prava i obaveze pripojenog društva i time postati univerzalni sukcesor pripojenog društva.

Član 3.

Društva učesnici sačinila su i obostrano utvrdila prijedlog zajedničkog Elaborata o ekonomskoj opravdanosti pripajanja Raiffeisen Brokers doo Sarajevo Raiffeisen Bank dd Bosna i Hercegovina – Plan reorganizacije kao činjeničnu, stručnu i pravno – ekonomsku podlogu za donošenje odluke o pripajanju.

Nakon objavljivanja ove Odluke u sredstvima javnog informisanja u predviđenom zakonskom roku, društva učesnici će donijeti odluke o pripajanju društva u istovjetnom tekstu, a na temelju usvojenog Elaborata o ekonomskoj opravdanosti pripajanja Raiffeisen Brokers doo Sarajevo Raiffeisen Bank dd Bosna i Hercegovina - Plana reorganizacije, koji sadrži sve zakonom utvrđene elemente uključujući i Plan poslovanja Ishodne banke i Neovisno revizorsko mišljenje o pripajanju društva Raiffeisen BROKERS d.o.o. Sarajevo društvu Raiffeisen bank dd Bosna i Hercegovina.

Član 4.

Statusne promjene pripajanja provešće se sa učinkom na dan 01.05.2011. godine.

Član 5.

Danom upisa brisanja pripojenog društva u sudski registar, pripojeno društvo prestaje postojati.

Član 6.

U skladu sa članom 68. Zakona o privrednim društvima FBiH, obavještavaju se i pozivaju dioničari i povjerioci društava učesnika da u Sekretarijatu Raiffeisen Bank dd Bosna i Hercegovina u ulici Zmaja od Bosne bb, Sarajevo mogu izvršiti uvid u prijedlog Plana reorganizacije i prijedlog odluke o pripajanju.

Član 7.

Na osnovu ove Odluke, uz ostalu propisanu dokumentaciju, će se podnijeti prijava Općinskom sudu u Sarajevu za upis brisanja odnosno pripajanja Raiffeisen BROKERS d.o.o. Sarajevo sa sjedištem u Sarajevu, ulica Zmaja od Bosne bb.

Član 8.

Ova Odluka stupa na snagu danom donošenja i objavit će se u dnevnom listu "Oslobođenje", kao i na web stranicama društava učesnika.

Michael Mueller
Predsjednik Nadzornog odbora



Broj: 73/11
Datum: 08. 02. 2011.

